

**-SENAT-**

Broj: 01-12-116/21

Sarajevo, 22. 07. 2021. godine

Na osnovu člana 130. Zakona o visokom obrazovanju („Službene novine Kantona Sarajevo“, broj 33/17, 35/20 i 40/20) i člana 59. Statuta Univerziteta u Sarajevu, a u vezi sa odredbama Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj 21/19), Zaključkom Vlade Kantona Sarajevo broj: 27-01/2-04-6431/21 od 19. 05. 2021. godine i Informacijom Ministarstva za nauku, visoko obrazovanje i mlade Kantona Sarajevo o izvršenom nadzoru na Univerzitetu u Sarajevu i organizacionim jedinicama u pogledu primjene navedene Uredbe, Senat Univerziteta u Sarajevu je na 29. elektronskoj sjednici održanoj 22. 07. 2021. godine, *d o n i o*

S M J E R N I C E**o osiguranju javnosti rada i objavi obaveznih sadržaja na službenim web stranicama organizacionih jedinica Univerziteta u Sarajevu****I**

Ovim Smjernicama se utvrđuju obaveze organizacionih jedinica Univerziteta u Sarajevu u vezi sa izvršavanjem Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj 21/19) – (dalje Uredba), te u tom smislu usmjerava njihov rad u pogledu vrste i postupka objavljivanja propisa i drugih sadržaja odnosno osiguranja javnosti rada.

II

U cilju osiguranja javnosti rada organizacionih jedinica Univerziteta u Sarajevu koja se ostvaruje neposrednim pristupom putem službenih web stranica neophodno je osigurati dostupnost obavezujućih sadržaja propisanim članom 3, 5, i 7. Uredbe.

III

Pod obavezujućim sadržajima, podrazumijeva se naročito objava propisa i drugih akata na način da svaka web stranica organizacione jedinice Univerziteta u Sarajevu obavezno sadrži:

- Odjeljak/sekciju u kojem će se nalaziti svi propisi i drugi akti propisani zakonom i Uredbom, vezani za djelatnost Univerziteta u Sarajevu i organizacione jedinice, razvrstani prema hijerarhiji akta, od akata niže prave snage prema aktima više pravne snage,
- Vodič za pristup informacijama koje su pod kontrolom organizacione jedinice Univerziteta u Sarajevu sa pripadajućim obrascima za pristup informacijama,
- Odjeljak/sekciju sa informacijama o sjednicama tijela organizacione jedinice Univerziteta u Sarajevu, sastavu tijela, poslovnica o radu tijela, odlukama i verificiranim zapisnicima sa sjednica tijela,

- Odjeljak/sekciju sa odgovorima na postavljena pitanja zastupnika zakonodavnih/ili predstavničkih tijela svih nivoa vlasti koja se odnose na djelokrug rada organizacione jedinice Univerziteta u Sarajevu,
- Odjeljak/sekciju sa pojedinačnim aktima koji se odnose na rješenja i odluke o odobravanju isplata svih vrsta naknada zaposlenim na organizacionoj jedinici Univerziteta u Sarajevu,
- Odjeljak/sekciju sa odlukama o angažmanu akademskog osoblja (zaposlenih) na drugim visokoškolskim ustanovama,
- Odjeljak/sekciju sa rješenjima i odlukama i svim drugim aktima koji se odnose na provođenje postupaka javnih nabavki, osim ako Zakonom o javnim nabavkama („Službeni glasnik BiH“, broj 39/14) i podzakonskim aktima proizašlim iz ovog zakona nije zabranjeno. Dostupnost ovih akata može se osigurati i putem brzog pristupa sa službene stranice organizacione jedinice Univerziteta u Sarajevu na službenu stranicu Kantona Sarajevo – Javne nabave i službenu stranicu Ureda za borbu protiv korupcije i upravljanje kvalitetom Kantona Sarajevo (Registar podataka o javnim nabavkama Kantona Sarajevo),
- Odjeljak/sekciju koja sadrži potpisane domaće/međunarodne sporazume o akademskoj saradnji (memorandumi o razumijevanju, međusobna saradnja i sl.), osim ako posebnim propisom to nije izričito zabranjeno,
- Odjeljak/sekciju koja sadrži konkurse za izbore u akademska/naučnoistraživačka zvanja,
- Odjeljak/sekciju koja sadrži konkurse za prijem u radni odnos nenastavnog osoblja.

IV

Obavezuju se organizacione jedinice Univerziteta u Sarajevu da na svojim službenim web stranicama učine dostupnim sadržaj propisan Uredbom, pri tome naročito vodeći računa o vrsti propisa i drugih akta iz tačke II ovih Smjernica koje je potrebno objaviti.

V

Obavezuju se organizacione jedinice Univerziteta u Sarajevu da na svojim službenim web stranicama prilikom objave propisa i drugih akta osiguraju jednoobraznost.

VI

Rok za objavu propisa i drugih akta propisan je Uredbom i veže se za rok ne duži od pet (5) dana od njihovog donošenja.

VII

Nadzor nad provođenjem ovih Smjernica vrši Univerzitet u Sarajevu.

REKTOR

Prof. dr. Rifat Škrijelj



Dostavljeno:

- Organizacionim jedinicama Univerziteta u Sarajevu
- Ministarstvu za nauku, visoko obrazovanje i mlade KS
- ☉ Web stranica UNSA i OJ UNSA
- U dokumentaciju Senata
- Arhivi